

AVIZU DI PRUPOSTA DI AKORDU DI LEI DI ASON JUDISIAL KULETIVU

ATENSON TUDU INDIVIDU KU DEFISIENSIA DI MOBILIDADI: Si bu uza, o tenta uza, direitu di pasagi di pedestri na sidadi di Boston i bu atxa kantus na kalsada o otus pasadera di pedestri ki ka tinha rampa di asesu o rampa di asesu ki ka staba asesivel pamodi staba danifikadu, ta mesti di reparu, o di otu forma na un kondison inadikuadu o sufisienti pa uzu, bu podi ser un menbru di Klasi di Akordu prupostu afetadu pa es prusessu. Keli e un avizu autorizadu pa tribunal.

Un "difisiensia di mobilitadi" signifika kalker difisiensia o kondison mediku ki ta limita kapasidadi di un alguen di anda, di disloka, pasa a volta di objetus o subi o dixi degrau o enkosta. Un alguen ku difisiensia motora podi o nou uza un kadera di roda, skooter, dispozitivu eletriku pissual di mobilitadi asistidu, muletas, andador, bengala, sinta, dispozitivu ortopediku o ekipamentu o dispozitivu similianti pa ausilia na navegason na longu di un pasarela di pedestri semi-ambulatorial.

LE KEL AVIZU LI KU ATENSON. BU DIREITU PODI SER AFETADU.

AVIZU DI ASON KULETIVU

Prupositu di es avizu e pa informau sobri un akordu prupostu na un prusesu di ason kuletivu pendenti fetu en benefisiu di individuos ku Difisiensia di Mobilitadi kontra Sidadi di Boston. Akordu di ason koletivu propostu e definidu na un dokumentu dinominadu "Proposta di Dekretu de Konsentimentu." Dekretu di Konsentimentu propostu, ki debi ser aprovalu pa Tribunal Distrital di Estados Unidos antis di entra na vigor, foi alkansadu na kazu intituladu *Muehe et al. v. Sidadi di Boston*, Kazu No. 1:21-cv-11080-RGS, arkivadu na Tribunal Distrital di Estados Unidos pa Distritu di Massachusetts.

INFORMASON BASIKU

Kel soprusesu li ta alega ki Sidadi di Boston (kel "Sidadi") viola leis federal di asesu pa difisientis kantu e dexe di instala i manti rampas di asesu adekuadu pa garanti ki alguen ku difisiensia fiziku podi saten direitu di pasagem di pedestri. Sidadi ta kontesta kes alegason i nega di ten violadu lei.

Keli e un ason koletivu. Na un ason koletivu, un o maz "Reprezentanti di Klasi" saprusesa na nomi di tudu alguen k ten reivindikason legal similianti. Nes kazu, reprezentanti di ssklasi e Michael Muehe, Elaine Hamilton, Crystal Evans i Colleen Flanagan, k e residentis na Boston a txeu tempu o vizitanti ku defisiensias motoras. Na un ason koletivu, un tribunal rizolvi keston pa tudu Membru di Klasi. Juiz Stearns distrital di Estados Unidos e responsavel pa kel ason koletivu. Tribunal inda ka desidi a favor di Reprezentantis di Klasi o di Sidadi nes kazu. Invez di kela, tudu ladu ta konkorda ku un akordu.

KLASI DI AKORDU

ssKlasi di Akordu ta inklui tudu alghen ku difisiensia di mobilitadi (inkluindu rezidentis i / o vizitantis di Sidadi de Boston) ki, a kalker mumentu antis di julgamentu di tribunal ki da aprovason final di akordu, foi negadu asesu total i igual pa kes di sidadi prioridadi di pasagi di pedestri pamodipamodi rampas di asesu auzenti o inasesivel.

REZUMU DI DEKRETU DI KONSENTIMENTU PROPOSTU

A seguir sta un rezumu di alguns dispozison di dekretu di konsentimentu propostu. Pa asesu un kopia di Dekretu di Konsentimentu kompletu, konsulta seson “Informason Adisional” di baxu.

Dekretu di Konsentimentu propostu ta ezigi ki Sidadi ta instala o atualiza un media di 1,630 rampas di asesu pur anu ti ki un rampa di asesu ki ta atendi norma federal di assessu pa difisientis pa sta prezenti na tudu kantu di korredor di pasagi di pedestri. Ku bazi na midjores estimativa di partis, keli ta ben okorri na final di 2030.

Sidadi debi instala o atualiza rampas di asesu ora ki konstruidu kalsada novu. Alen di kela, kandu sidadi repasa rodovia, e debi instala o atualiza rampa di asesu adjasenti a strada. Sidadi debi prioriza instalason o atualizason di rampas di kalsada na skinas lokalizadu pertu di instalason governamental, skola, parki, koredoris di transporti, klinikas, impresas, lokal d trabadju i bairus di moradia, nes ordi. Debi kria un “Planu di Implimentason” ki ta leba kis prioridadis en konsiderason i da publiku oportunitadi di komenta sobri Planu di Implimentason.

Dekretu di Konsentimentu propostu tambe ta komprometi Sidadi pa kontinua ta manti un sistema modi ki alghen ku Defisiensia di Mobilitadi podi manda solisitason pa Sidadi instala o atualiza rampa di asesu na lokal espesifiku. Sidadi ta uza ses midjor isforsu pa investiga kada solisitason dentu di 30 dia i pa instala o atualiza kada rampa di asesu solisitadu dentu di un anu di aprezentason. Informason sobri modi k ta manda un solisitason di rampa di asesu ta sta dispunivel publikamenti na site di Sidadi (cityofboston.gov/311).

Sidadi debi manti tudu rampas di asesu na bon kondison di funsionamentu, menus pa interupson temporariu pamodi konstruson, manutenson o reparu. Oras ki rampas di asesu sta tenporariamenti indisponivel, Sidadi ta ben oferesi un rota alternativu ki e asesivel a pesoas ku Difisiensia di Mobilitadi. Para len di kela, Sidadi ten ki uza midjor stratejias pa garanti retirada di nevi atempadamenti i otus residuos di rampas di asesu i paseius ku riforsu kontinuo di portarias munisipal i ta rispondi prontamenti pa kis riklamason sobri posas di agua ki ta forma na bazi di rampas di asesu.

Dekretu di Konsentimentu pruposto ta iziji tanbe ki Ripresentantis di Klasi i advogadus ki ta ripresenta Klasi di Akordu ("Konselheru di Klasi", identifikadu di baxu) ta monitora konformidadi di Sidadi ku termus di Dekretu di Konsentimentu pruposto. Sidadi debi publika rilatorius anual ki ta dokumenta instalason i aprimoramentu di rampas di asesu.

LIBERASON DI RIKLAMASONS (RELEASE OF CLAIMS, NA INGLES)

Dekretu di Konsentimentu pruposto ta rizolvi i libera, ti fin di Prazu di Dekretu di Konsentimentu pruposto, tudu revindikasons di mididas kautelar, diklaratoriu o otu midida non monetariu ki podu, podia podu o podi podu na futuru pa kalker un di kes alegadu ason , omison, insidentis o konduta di Sidadi rilasionadu ku instalason, kureson, riparu o manutenson di rampas di asesu na pasadera di Sidadi. Dekreto di Konsentimentu pruposto ka ta providensia ninhun alivio monetariu pa Klasi di Akordu. E ka ta providensia ninhun riklamason monetariu ki Menbrus di Klasi di Akordu podi ten, o kalker revindikason rilasionadu ku komponentis di direitu di pasajen di pidedris di sidade, menus rampas di asesu.

PAGAMENTUS PA RIPREZENTANTIS DI KLASI

Ku aprovason di Tribunal, Sidadi ta ben paga kada un di kes Riprezentantis di Klasi \$5,000 pa rikunhesimentu di trabadju realizadu na nomi di ssKlasi di Akordu.

TAXAS, KUSTUS I DISPEZAS RAZUAVEL DI ADVOGADUS

Di akordu ku dekreto di Konsentimentu Pruposto, Konselheru di Klasi podi ser aplikadu na Tribunal pa konseson di honorarius di advogadu, kustus i dispezas di sidadi pa paga pa ses trabadju na kazu i pa reembolsas pa kustus ki es invisti na kazu. Pididu di advogadu di klasi pa honorarius di advogadus ta ser baziadu na metodo “lodestar” (strela prinsipal, na Kriolu), ki signifika ma advogadu di klasi ta kalkula si honorarius na multiplika tenpu ki advogadus i paralegal na ses skritoriu gasta razuavelmenti ta trabadja na kazu pa ses taxa orariu razuavel.

Sidadi tanbe debi paga advogadu di klasi si honorarius di advogadu, kustus i dispezas razuavel pa monitora kumprimentu di sidadi ku dekreto di konsentimentu pruposto na dikorer di anus ki dekreto sta en vigor. Taxas, dispezas i kustus di Requerente pa monitoramentu ta limitadu a \$70,000 pur anu duranti kes primerus 5 anu di kontratu i \$60,000 pur anu a partir di la.

APROVAON FINAL DI TRIBUNAL/AUDIENSIA DI JUSTISA

Tribunal aprova preliminarmenti Dekreto di Konsentimentu pruposto i ajenda un audiensia di "Aprovason Final" o "Ekuidade" pa **19 di Otubru, 2021 pa 10:00 sedu.** na 1 Courthouse Way, Boston, Massachusetts 02210, Courtroom 21, pa disidi si akordu pruposto e justu, razuavel i adikuadu i debi ser finalmenti aprovalu, ben komu si i kantu e ta da Advogado di Klasi en honorarius di advogadu razuavel, kustus i gastus. Na audiensia, Tribunal ta konsidera kalker objeson a akordu i ta obi pesoas ki kizer papia. Komu Menbru di Klasi di Akordu, bu ten direitu di obidu na es audiensia, ma bo e ka obrigadu konparesi.

Data di audiensia podi ser mudadu sen avizu previu. Si bu kre ser informadu sobri kalker mudansa na programason, notifika Advogado di Klasi na kes inderesu listadu di baxu. Bu podi djobi tanbe www.gbdhlegal.com/cases/muehe-et-al-v-city-of-boston, www.CREECLaw.org/BostonCurbRamps, o rijistus publiku di tribunal na arkibus di es ason na <https://www.pacer.gov/> pa kalker atualizason.

OBJESONS A AKORDU

Si bu ka kre ki Dekreto di Konsentimentu pruposto aprovalu, bu podi aprizenta un objeson i pidi Tribunal pa nega aprovason. Bu ka podi pidi Tribunal pa ordena un akordu diferenti o muda akordu; Tribunal so podi aprova o rijeita akordu. Si Tribunal nega aprovason, Sidadi ka ta ser obrigadu a instala e atualiza rampas di asesu konformi stabelesidu na dekreto di konsentimento pruposto. En vez di kela, prusessu ta kontinua. Si e kela ki bu kre pa kontisi, bu ten ki objeta. Kalker objeson a dekreto di konsentimentu pruposto ten ki ser skrebedu.

Tudu objeson skritu i dokumentos di apoio ten ki (a) identifika klaramente nomi i numeru di kazu (*Muehe et al. v. City of Boston*, Case No. 1:21-cv-11080), (b) ser mandadu pa Tribunal pa kureiu di Clerk’s Office, United States District Court for the District of Massachusetts, 1 Courthouse Way, Suite 2300, Boston, Massachusetts 02210, o prenhes pesoalmenti na kalker lokal di United States District Court for the District of Massachusetts, i (c) mandadu o postadu

antis di 20 di Setenbru, 2021.

Si bu manda un objeson, e ten ki teni kes informason li: (a) bu nomi, inderesu i, si disponivel, bu numeru di telefoni i bu e-mail; (b) si bu sta ser riprezentadu pa un advogadu, nomi, inderesu, numeru di tilifoni i inderesu di e-mail di bu advogadu; (c) un diklarason ta identifika motivus spesifiku pa bus objesons; i (d) un diklarason ta fla si bu objeson ta aplika so a bo, a un subkonjuntu spesifiku di klasi o a klasi interu.

Tudu objeson ten ki mandadu o postadu ti 20 di Setenbru di 2021.

Tudu objesons debi mandadu pa Konselhu di Klasi pa es inderesu:

Thomas P. Murphy
DISABILITY LAW CENTER, INC.
32 Industrial Drive East
Northampton, MA 01060
(413) 584-6524
www.dlc-ma.org

Bu podi, ma bo e ka obrigadu a, konparesi na Audiensia di Aprovason Final ajendadu pa **19 di Outubru, 2021 pa 10:00 di plamanha**. na 1 Courthouse Way, Boston, Massachusetts, 02210, Courtroom 21, pa ki bu objeson obidu pa Tribunal, pa bo o atraves di bu advogadu. Si bu konparesi atraves di bu advogadu, bu ta ser risponsavel pa kontrata i paga kel advogadu.

Kalker Menbru di Klasi ki ta aprizenta objeson duranti o antis di Audiensia di Aprovason Final ta ser konsideradu ki e aprova akordu i renunsia kes objesons i e ka ta konsigui fazi kalker objeson (via rikursu o di otu forma) a akordu.

SI BU KA RIJEITA ES AKORDU, BU KA MESTI PARSI O PRENXI NADA SKRITU.

IFEITU VINKULATIVU

Dekreto di Konsentimentu pruposto, si tiver aprovason final di Tribunal, ta vinkula tudu menbrus di Klasi di Akordu. Kela ta inpidi kalker pesoa ki e menbro di Klasi di Akordu prusesa o manti kalker riklamason o ason liberadu sob termus di Dekreto di Konsentimentu pruposto.

MAZ INFORMASON

Es avizu ta rizumi pruposta di Dekreto di Konsentimentu. Pa termus i kondisons kuretu i konpletu di akordu, konsulta pruposta di dekreto di konsentimentu disponivel na www.gbdhlegal.com/cases/muehe-et-al-v-city-of-boston o www.CREEClaw.org/BostonCurbRamps, ta kontakta Konselhu di Klasi pa informason di kontaktu di baxu, ta asesa rijistu di Tribunal nes kazu atraves di sistema di asessu publiku di rijistu iletroniku (PACER) na <https://ecf.cand.uscourts.gov> o vizita skritoriu di Sikretariu di Tribunal di Court for the United States District Court for the District of Massachusetts, 1 Courthouse Way, Boston, Massachusetts 02110, entri 8:30 di sedu i 5:00 di tardi, di Sigunda a Sexta-fera, exsetu feriadus judisial.

Bu podi konsigui tanbe informason maz ditalhadu sobri akordu o un kopia di Dekreto di Konsentimentu pruposto di Advogadu di Klasi na kalker un di kes inderesu li:

Thomas P. Murphy
DISABILITY LAW CENTER, INC.
11 Beacon Street, Suite 925
Boston, MA 02108
(617) 723-8455
www.dlc-ma.org

Linda M. Dardarian
Goldstein, Borgen, Dardarian & Ho
155 Grand Avenue, Suite 900
Oakland, CA 94612
(510) 763-9800
www.gbdhlegal.com

Timothy P. Fox
Civil Rights Education and Enforcement Center
1245 E. Colfax Avenue, Suite 400
Denver, CO 80218
(303) 757-7901
www.creeclaw.org

Menbrus di Klasi tambe podi entra en kontaktu ku Konselheru di Klasi na es numeru gratuitu, 1-800-531-4446, pa konsigui maz informason sobri akordu o dukumentus di akordu.

Ka bu txoma pa Tribunal o pa Sekretaria di Tribunal pa purgunta sobri es akordu.

Pa konsigui kopias des Avizu o di Dekretu di Konsentimentu pruposto na formatus alternativus asesivel, kontakta Konselheru di Klasi listadu di riba.